

Broj: 11-1591-8/17.
Sarajevo, 23.02.2018. god.

Na osnovu člana 64. stav (1) tačka b), člana 70. stav (1) i (3) Zakona o javnim nabavkama Bosne i Hercegovine („Službeni glasnik BiH“ br. 39/14) i člana 42. stav (2) alineja c) Pravila Kantonalne javne ustanove „Gerontološki centar“ Sarajevo, po preporuci Komisije za javne nabavke broj: 11-1591-7/17 od 22.02.2018. godine, Direktor Kantonalne javne ustanove „Gerontološki centar“ Sarajevo, d o n o s i:

ODLUKU o izboru najpovoljnijeg ponuđača

1. U otvorenom postupku javne nabavke **zamrznutog i konzerviranog povrća** za potrebe Kantonalne javne ustanove „Gerontološki centar“ Sarajevo, prihvata se preporuka Komisije za javne nabavke prema Zapisniku o pregledu i ocjeni ponuda za dodjelu ugovora, broj: 11-1591-7/17 od 22.02.2018. godine i **ugovor za nabavku zamrznutog i konzerviranog povrća** za period od tri godine, dodjeljuje se ponuđaču TP DC Sarajevo d.d., ul. Rajlovačka bb, Sarajevo (Ponuda broj: 1703/17 od 30.11.2017. godine), za ponudenu cijenu u iznosu od **49.263,75 KM bez PDV-a**, odnosno **57.638,58 KM sa PDV-om**.

2. Prijedlog okvirnog sporazuma i ugovora o nabavci dostavit će se na potpis izabranom ponuđaču u roku od 15 dana, računajući od dana kada je ponuđač obaviješten o izboru.

3. Za izvršenje ove Odluke zadužuje se Služba za pravne i opće poslove KJU „Gerontološki centar“ Sarajevo.

4. Shodno članu 70. stav (6) Zakona o javnim nabavkama, ova Odluka će se objaviti na web stranici www.ges.com.ba istovremeno sa upućivanjem ponuđačima koji su učestvovali u postupku javne nabavke.

5. Shodno članu 71. stav (2) Zakona o javnim nabavkama ova Odluka stupa na snagu danom donošenja i dostavlja se ponuđačima koji su učestvovali u postupku javne nabavke.

O b r a z l o ž e n j e:

Postupak javne nabavke **zamrznutog i konzerviranog povrća** za potrebe Kantonalne javne ustanove „Gerontološki centar“ Sarajevo pokrenut je Odlukom broj: 11-1591/17 od 30.10.2017. godine.

Javna nabavka je provedena putem otvorenog postupka za dostavu ponuda.

Procijenjena vrijednost javne nabavke za period od tri godine bez PDV-a iznosi maksimalno 60.000,00 KM.

Na osnovu obavještenja o nabavci broj: 897-1-1-117-3-21/17, objavljeno 09.11.2017. godine na Portalu javnih nabavki, Ispravke za obavještenje o nabavci broj: 897-1-1-117-8-25/17, objavljena dana 21.11.2017. godine na Portalu javnih nabavki, sažetka obavještenja o nabavci objavljen u Službenom glasniku BiH broj 81/17. dana 10.11.2017.godine, sažetka ispravke za obavještenje o nabavci objavljen u Službenom glasniku BiH broj 84/17. dana 24.11.2017.godine i izvještaja o preuzimanju tenderske dokumentacije od strane ponuđača, tendersku dokumentaciju su preuzeli:

1. GOLD MIGNON d.o.o.,
2. BBS Europe
3. GRAFIKON d.o.o.,
4. TP DC Sarajevo dd.,
5. VINOJUG d.o.o.,
6. BOSNA-KOM d.o.o. Gračanica,
7. LALA I LAČO d.o.o. Bijeljina,

Komisija za javne nabavke je imenovana Rješenjem broj: 11-191/17, od 13.02.2017.godine.

Krajnji rok za dostavu ponuda je bio 07.12.2017. godine u 10:30. Istog dana u 11:15 sati je izvršeno javno otvaranje prispjelih ponuda na kojem je prisustvovao predstavnik ponuđača VINOJUG d.o.o. Sarajevo – Resić Amer.

Dana 17.11.2017. godine u 8:38 sati, ponuđač „Lala i Lačo“ doo iz Bijeljine, je putem e-maila i putem portala javnih nabavki, postavio pitanje kojim traži pojašnjenje tenderske dokumentacije, odnosno pojašnjenje opisa određenih artikala iz Specifikacije za kontinuiranu nabavku zamrznutog i konzerviranog povrća.

Na osnovu navedenog zahtjeva, ugovorni organ je sačinio pojašnjenje i izmjenu tenderske dokumentacije broj 1., koju je dana 20.11.2017. godine u 14:39 sati, postavio na portal javnih nabavki.

Dana 21.11.2017. godine u 8:58 sati, ponuđač „Lala i Lačo“ doo iz Bijeljine je putem portala javnih nabavki, postavio zahtjev za rješavanje problema nemogućnosti preuzimanja izmijenjene tenderske dokumentacije sa portala javnih nabavki.

Na osnovu navedenog zahtjeva, ugovorni organ je sačinio izmjenu tenderske dokumentacije broj 2., koju je dana 21.11.2017. godine u 11:45 sati, postavio na portal javnih nabavki.

Ponuđač „Lala i Lačo“ doo iz Bijeljine, je dana 24.11.2017. godine u 09:48 sati, putem e-maila i portala javnih nabavki postavio pitanje: *da li je u Obrascu za cijenu ponude u rubrici gdje je potrebno navesti proizvođača opisanog artikla ispravno napisati naziv firme koja je uvoznik sirovine i koja iste pakuje i dostavlja kako je uglavnom i navedeno na pakovanjima zamrznutog povrća?*

Na osnovu navedenog pitanja, ugovorni organ je sačinio pojašnjenje tenderske dokumentacije broj 2., koju je dana 24.11.2017. godine u 14:25 sati, postavio na portal javnih nabavki.

Ugovorni organ je dana 30.11.2017. godine sačinio izmjenu tenderske dokumentacije broj 3. koju je istog dana objavio na portalu javnih nabavki.

Dana 01.12.2017. godine, ugovorni organ je izvršio dopunu izmjene tenderske dokumentacije broj 3. koju je istog dana objavio na portalu javnih nabavki.

Na javnom otvaranju ponuda je sačinjen Zapisnik u kome je konstatovano da su za navedenu nabavku ponudu podnijeli sljedeći ponuđači:

1. LALA I LAČO d.o.o., ul. Prvog maja br. 14., Bijeljina,
2. GOLD MIGNON d.o.o., ul. Olimpijska bb, Sarajevo,
3. TP DC Sarajevo d.d., ul. Rajlovačka bb, Sarajevo,
4. GRAFIKON d.o.o., ul. Grbavička 30, Sarajevo i
5. VINOJUG d.o.o., ul. Igmanska br.2-4., Sarajevo.

Komisija za javne nabavke je dostavila dana 22.02.2018. godine Zapisnik o pregledu i ocjeni ponuda broj: 11-1591-6/17 od 22.02.2018. godine i Izvještaj o radu Komisije za javne nabavke i preporuka za dodjelu ugovora, broj: 11-1591-7/17 od 22.02.2018.godine.

U postupku po Zapisniku o pregledu i ocjeni ponuda i Izvještaju o radu Komisije za javne nabavke je utvrđeno da je Komisija blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 5,
- da je blagovremeno zaprimljeno 5 ponuda,
- da nema neblagovremeno zaprimljenih ponuda,
- da su pristigle ponude ponuđača:
 1. LALA I LAČO d.o.o., ul. Prvog maja br. 14., Bijeljina,
 2. GOLD MIGNON d.o.o., ul. Olimpijska bb, Sarajevo,
 3. TP DC Sarajevo d.d., ul. Rajlovačka bb, Sarajevo,
 4. GRAFIKON d.o.o., ul. Grbavička 30, Sarajevo i
 5. VINOJUG d.o.o., ul. Igmanska br.2-4., Sarajevo

Nakon javnog otvaranja ponuda, obavljenog dana 07.12.2017. god., izvršena je suštinska provjera i analiza dostavljene dokumentacije, odnosno verifikacija kvalifikacija ponuđača prema kriterijima i kvalifikacionim uvjetima utvrđenim Tenderskom dokumentacijom. U ovoj fazi postupka, Komisija je utvrdila da su ponude ponuđača TP DC Sarajevo d.d., ul. Rajlovačka bb, Sarajevo i LALA I LAČO d.o.o., ul. Prvog maja br. 14., Bijeljina, ocijenjene kao prihvatljive i kvalifikovane, a da je dostavljena ponuda ponuđača "VINOJUG" d.o.o., Sarajevo, premašila vrijednost planiranu Planom nabavki. Obavještenjem o nabavci i Tenderskom dokumentacijom i kao takva isključena iz daljeg učešća u postupku, te da su ponude ponuđača „GOLD MIGNON“ d.o.o. Sarajevo i „GRAFIKON“ d.o.o. Sarajevo ocijenjene kao nekvalifikovane, zbog čega nisu ispunile uvjete za učešće u daljem postupku, a iz sljedećih razloga:

I Ponuđač „GOLD MIGNON“ d.o.o. Sarajevo

I) Tačkom 8.2.1. pod e) Tenderske dokumentacije, broj: 11-1591-1/17 od 30.10.2017. godine, kao i pojašnjenjem i izmjenom Tenderske dokumentacije broj: 11-1591-1-1/17 od 20.11.2017. godine za ponuđače je propisano da su dužni dostaviti sljedeće: „Popunjen obrazac za cijenu ponude sa svim elementima koji je čine, kao i potrebnim objašnjenjima, na način kako je definirano u Aneksu 4. tenderske dokumentacije“.

Uvidom u Ponudu ponuđača „GOLD MIGNON“ d.o.o. Sarajevo, broj: 299-B-03/17 od 28.11.2017. god., Komisija za javne nabavke je prilikom pregleda Aneksa 4. uočila sljedeće:

REDNI BROJ	NAZIV PROIZVODA	NEDOSTATAK KOJI SE ODNOSI NA OPIS ROBE, NAZIV PROIZVOĐAČA I ZEMLJU PORIJEKLA
1.	Zamrznuto mješano povrće, pakovanje minimalno 2,5 kg	Nedostaje riječ „zamrznuto“
6.	Boranija zamrznuta, pakovanje minimalno 2,5 kg	Nedostaje zemlja porijekla.
8.	Zamrznuto povrće za franc-rusku salatu, pakovanje minimalno 2,5 kg	Nedostaju riječi: „zamrznuto“ i „franc-ruska“.
9.	Grašak konzerva, maksimalno 5/1 kg bruto (minimalno 4,1 kg neto)	Nedostaje naziv robne marke kao i razdvojena kilaža na bruto i neto.
10.	Duveć konzerva, maksimalno 5/1 kg bruto (minimalno 4,1 kg neto)	Nedostaje razdvojena kilaža na bruto i neto.
11.	Kiseli krastavci konzerva, maksimalno 5/1 kg bruto (minimalno 4,1 kg neto)	Nedostaje riječ „konzerva“ kao i razdvojena kilaža na bruto i neto.
12.	Kisele paprike konzerva, maksimalno 5/1 kg bruto (minimalno 4,1 kg neto)	Nedostaje riječ „konzerva“ kao i razdvojena kilaža na bruto i neto.

13.	Mješana kisela salata konzerva, maksimalno 5/1 kg bruto (minimalno 4,1 kg neto)	Nedostaju riječi: „kisela“ i „konzerva“ kao i razdvojena kilaža na bruto i neto.
14.	Paradajz pire konzerva, minimalno 4250 gr neto	Nedostaje riječ „konzerva“.
15.	Kisela cvekla konzerva, maksimalno 5/1 kg bruto (minimalno 4,1 kg neto)	Nedostaje riječ „konzerva“ kao i razdvojena kilaža na bruto i neto.

2) Tačkom 9.11.1. stav 3 Tenderske dokumentacije, broj: 11-1591-1/17 od 30.10.2017. godine, propisano je da su ponuđači dužni uz ponudu dostaviti Nacrt okvirnog sporazuma i ugovora u koji su unijeli podatke iz svoje ponude, te parafirati sve listove Nacrta okvirnog sporazuma i ugovora.

Imajući u vidu zahtjev iz tačke 9.11.1. stav 3 Tenderske dokumentacije, suštinskom analizom sadržaja dostavljene dokumentacije, Komisija za javne nabavke je utvrdila da ponuđač „GOLD MIGNON“ d.o.o. Sarajevo, u svojoj ponudi broj: 299-B-03/17 od 28.11.2017. god., nije popunio Nacrt okvirnog sporazuma i ugovora (**Aneks 12**) na način kako je to zahtijevano navedenom tačkom tenderske dokumentacije, odnosno nije upisao podatke iz svoje ponude, već je iste samo parafirao i potpisao.

3) Tenderskom dokumentacijom broj: 11-1591-1/17 od 30.10.2017. godine, određena je i propisana jasna forma Aneksa 14. tačnije Obrasca sadržaja ponude koji je bilo potrebno dostaviti na Memorandumu ponuđača. Komisija za javne nabavke je uvidom u Ponudu ponuđača „GOLD MIGNON“ d.o.o. Sarajevo, broj: 299-B-03/17 od 28.11.2017. god., konstatovala da je isti dostavljen od strane navedenog ponuđača, ali ne na način propisan tenderskom dokumentacijom. Ponuđač je izostavio napisati sljedeće: *Obrascac sadržaja ponude. Sadržaj ponude. Naša ponuda sadrži dokumenta označena od 1 do , i to:*

Imajući u vidu naprijed navedeno, kao i konstatovane suštinske nedostatke u ponudi ponuđača „GOLD MIGNON“ d.o.o. Sarajevo, ista je ocijenjena nekvalifikovanom, te je kao takva isključena iz daljeg postupka javne nabavke.

II Ponuđač „GRAFIKON“ d.o.o. Sarajevo

1) Tačkom 8.2.1. pod e) Tenderske dokumentacije, broj: 11-1591-1/17 od 30.10.2017. godine, kao i pojašnjenjem i izmjenom Tenderske dokumentacije broj: 11-1591-1-1/17 od 20.11.2017. godine za ponuđače je propisano da su dužni dostaviti sljedeće: *„Popunjen obrascac za cijenu ponude sa svim elementima koji je čine, kao i potrebnim objašnjenjima, na način kako je definirano u Aneksu 4. tenderske dokumentacije“.*

Uvidom u Ponudu ponuđača „GRAFIKON“ d.o.o. Sarajevo, broj: 125/17 od 07.12.2017. god., Komisija za javne nabavke je prilikom pregleda Aneksa 4. uočila sljedeće:

REDNI BROJ	NAZIV PROIZVODA	NEDOSTATAK KOJI SE ODNOSI NA OPIS ROBE, NAZIV PROIZVOĐAČA I ZEMLJU PORIJEKLA
7.	Čarsko povrće, pakovanje minimalno 450 gr	Nedostaje zemlja porijekla.
10.	Duveć konzerva, maksimalno 5/1 kg bruto (minimalno 4,1 kg neto)	Nedostaje iskazana neto težina .
12.	Kisele paprike konzerva, maksimalno 5/1 kg bruto (minimalno 4,1 kg neto)	Nedostaje riječ „konzerva“.
14.	Paradajz pire konzerva, minimalno 4250 gr neto	Ponuđač je kod naziva proizvođača izvršio ispravku bez stavljanja potpisa, pečata i datuma.
15.	Kisela cvekla konzerva, maksimalno 5/1 kg bruto (minimalno 4,1 kg neto)	Nedostaje riječ „konzerva“.

2) Tenderskom dokumentacijom broj: 11-1591-1/17 od 30.10.2017. godine, određena je i propisana jasna forma Aneksa 14. tačnije Obrascu sadržaja ponude koji je bilo potrebno dostaviti na Memorandumu ponuđača. Komisija za javne nabavke je uvidom u Ponudu ponuđača „GRAFIKON“ d.o.o. Sarajevo, broj: 125/17 od 07.12.2017. god., konstatovala da je isti dostavljen od strane navedenog ponuđača, ali ne na način propisan tenderskom dokumentacijom. Ponuđač je izostavio napisati sljedeće: *Obrazac sadržaja ponude, Sadržaj ponude. Naša ponuda sadrži dokumenta označena od 1 do , i to:, Za Ponuđača: ime i prezime ovlaštene osobe.*

Imajući u vidu naprijed navedeno, kao i konstatovane suštinske nedostatke u ponudi ponuđača „GRAFIKON“ d.o.o. Sarajevo, ista je ocijenjena nekvalifikovanom, te je kao takva isključena iz daljeg postupka javne nabavke.

Za otvoreni postupak javne nabavke zamrznutog i konzerviranog povrća tenderskom dokumentacijom predviđeno je zakazivanje e-aukcije, tako da je ista zakazana za 22.02.2018. godine u 14:00 sati. Pravo učešća na e-aukciji imali su ponuđači „TP DC“ Sarajevo d.d. i „LALA I LAČO“ d.o.o. Bijeljina, obzirom da su njihove ponude ocijenjene kao kvalifikovane. E-aukcija je uspješno završena, a cijena ponuda navedenih ponuđača nije se promijenila nakon završene e-aukcije.

Tenderskom dokumentacijom je u skladu sa članom 64. Zakona o javnim nabavkama kao kriterij za dodjelu ugovora utvrđen je kriterij „najniža cijena tehnički zadovoljavajuće ponude“.

R.b.	Ponuđač	Cijena ponude	Cijena nakon završene e-aukcije
1.	TP DC Sarajevo d.d., ul. Rajlovačka bb, Sarajevo	49.263,75 KM bez PDV-a 57.638,58 KM sa PDV-om	49.263,75 KM bez PDV-a 57.638,58 KM sa PDV-om
2.	LALA I LAČO d.o.o., ul. Prvog maja 14., Bijeljina	59.998,05 KM bez PDV-a 70.197,72 KM sa PDV-om	59.998,05 KM bez PDV-a 70.197,72 KM sa PDV-om

Obzirom da je dostavljena ponuda ponuđača „VINOJUG“ d.o.o., Sarajevo, premašila vrijednost planiranu Planom nabavki, Obavještenjem o nabavci i Tenderskom dokumentacijom i kao takva isključena iz daljeg učešća u postupku, te da su ponude ponuđača „GOLD MIGNON“ d.o.o. Sarajevo i „GRAFIKON“ d.o.o. Sarajevo ocijenjene kao nekvalifikovane i također isključene iz daljeg učešća u postupku, preostale su dvije prihvatljive ponude i to ponuda ponuđača „TP DC Sarajevo“ d.d., ul. Rajlovačka bb, Sarajevo i ponuda ponuđača „LALA I LAČO“ d.o.o. Bijeljina, ul. Prvog maja br. 14. Imajući u vidu da je ponuda ponuđača „TP DC Sarajevo“ d.d., ul. Rajlovačka bb, Sarajevo, u skladu sa tenderskom dokumentacijom (i nakon uspješno završene e-aukcije), koja je prema kriteriju za izbor ponude (najniža cijena tehnički zadovoljavajuće ponude) ocijenjena povoljnijom, u odnosu na ponudu ponuđača „LALA I LAČO“ d.o.o. Bijeljina, ul. Prvog maja br. 14., Komisija za nabavku predlaže prihvatanje ponude, te shodno članu 70. stav (1) i stav (3) Zakona o javnim nabavkama, donošenje Odluke o izboru ponude ponuđača „TP DC Sarajevo“ d.d., ul. Rajlovačka bb, Sarajevo, kao najpovoljnije za predmetnu nabavku.

Cijena najpovoljnije ponude bez PDV-a za period od 3 godine iznosi 49.263,75 KM, a ukupna cijena ponude sa PDV-om za period od 3 godine iznosi 57.638,58 KM.

Prilikom donošenja ove Odluke posebno je cijenjena činjenica da je Komisija za javne nabavke shodno kriterijima iz Tenderske dokumentacije pravilno i potpuno izvršila ocjenu kvalificiranosti ponuđača, te ocjenu prihvatljivosti kvalificiranih ponuda.

Ocijenom provedenog postupka direktor KJU „Gerontološki centar“ Sarajevo nije našao ni jedan razlog nepravilnosti, niti propuste u radu Komisije za javne nabavke, koji bi eventualno bili osnov za neprihvatanje Preporuke Komisije.

Naime, ocijenjeno je da je Komisija u svemu pravilno postupila, te da je izbor ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom. Uvidom u priloženu dokumentaciju nesporno je da je izabrani ponuđač „TP DC Sarajevo“ d.d., ul. Rajlovačka bb, Sarajevo, dostavio

najpovoljniju ponudu, sa ponudenom ukupnom cijenom za period od tri godine u iznosu od **49.263,75 KM bez PDV-a**, odnosno **57.638,58 KM sa PDV-om**.

Iz navedenih razloga, primjenom člana 64.stav (1) tačka b) Zakona o javnim nabavkama, te Izvještaja o radu Komisije za javne nabavke i preporuke za dodjelu ugovora, broj: 11-1591-7/17 od 22.02.2018. godine, odlučeno je kao u dispozitivu.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od 10 (deset) dana, od dana prijema ove Odluke.

Žalba se podnosi Kantonalnoj javnoj ustanovi „Gerontološki centar“ Sarajevo u pisanoj formi, u 3 (tri) primjerka.

Dostavljeno:

- 1x „LALA I LAČO“ d.o.o., ul. Prvog maja 14., Bijeljina
- 1x „IP DC“ Sarajevo d.d., ul. Rajlovačka bb, Sarajevo
- 1x „VINOJUG“ d.o.o., ul. Igmanska br. 2-4., Sarajevo
- 1x „GRAFIKON“ d.o.o., ul. Grbavička br. 30., Sarajevo
- 1x „GOLD MIGNON“ d.o.o., ul. Olimpijska bb, Sarajevo
- 1x Sl.za pravne i opće posl.Geront.centra
- 1x Komisija za javne nabavke
- 1x a/a



Ismet Skoko, mr.sci.ecc.